

方苞文

目錄

原過·····	一
讀孟子·····	二
讀周官·····	四
灌嬰論·····	七
于忠肅論·····	一〇
轅馬說·····	一三
孫徵君年譜序·····	一五
跋石齋黃公手札·····	一七
書淮陰侯列傳後·····	二〇
書孝婦魏氏詩後·····	二三

與王崑繩書……………二五

與劉言潔書……………二八

與孫以寧書……………三〇

與孫司寇書……………三三

送王翳林南歸序……………三五

送左未生南歸序……………三七

送李雨蒼序……………三九

孫徵君傳……………四一

白雲先生傳……………四七

記吳紹先求二弟事……………四九

高陽孫文正公逸事……………五一

左忠毅公逸事……………五三

獄中雜記	五六
游潭柘記	六二
遊雁蕩記	六四
陳馭虛墓誌銘	六六
杜蒼略先生墓誌銘	六九
萬季野墓表	七一
宣左人哀辭	七七
武季子哀辭	七九

原過

君子之過，值人事之變而無以自解免者十之七，觀理而不審者十之三，衆人之過，無心而蹈①之者十之三，自知而不能勝其欲者十之七，故君子之過，誠所謂過也，蓋仁義之過中者爾，衆人之過，非所謂過也，其惡之小者耳。上乎君子而爲聖人者，其得過也，必以人事之變，觀理而不審者則鮮矣；下乎衆人而爲小人者，皆不勝其欲而動於惡，其無心而蹈之者亦鮮矣。衆人之於大惡，常畏而不敢爲，而小人則不勝其欲而姑自恕焉；聖賢視過之小，猶衆人視惡之大也，故凜然②而不敢犯，小人視惡之大，猶衆人視過之小也，故悍然③而不顧。服物之初御④也，常恐其汙且毀也，旣汙且毀，則不復惜之矣，苟以細過自恕而輕蹈之，則不至於大惡不止，故斷一樹，殺一獸，不以其時，孔子以爲非孝，⑤微矣哉！亦危矣哉！

○蹈踐也，此處作「犯」解。○凜然懼貌。○悍然強橫貌。○御進也，謂服物初進用也。○禮祭義：「斷一樹，殺一獸，不以其時，非孝也。」

讀孟子

予讀儀禮，嘗以謂雖周公生秦漢以後，用此必有變通；及觀孟子，乃益信爲誠然。

○儀禮書名，所載皆冠昏喪祭之儀節。

孟子之言養民也，曰制田里，教樹畜而已。○其教民則謹庠序○之教，申○之以孝弟之義，凡昔之聖人所爲深微詳密者無及焉，豈不知其美善哉，誠勢有所不暇也；然由其道層累而精之，則終亦可以至焉。其言性也亦然，所謂踐形養氣事天立命，○間一及之，而數○舉以示人者，則無放其良心○以自異於禽獸而已。既揭五性，○復開以四端，○使知其實不越乎事親從兄，○而擴而充之，則

自無欲害人無爲穿窬之心始。④蓋其憂世者深，而拯⑤其陷溺也迫，皆昔之聖人所未發之覆也。

①周制，一夫受田百畝，餘夫二十五畝。里謂五畝之宅，亦一夫所受。樹畜樹桑畜家畜也。②殷曰序。

周曰庠，皆鄉學也。

③申重也，丁寧反覆之意。

④踐履也，孟子：「形色，天性也，惟聖人然後可以踐。」

養氣，孟子：「我善養吾浩然之氣。」孟子：「存其心，養其性，所以事天也。」孟子：「夭壽不貳，修

身以俟之，所以立命也。」

⑤數讀如朔（尸又己）類也。

⑥良心本然之善心，卽所謂仁義之心。

也。孟子：「雖存乎人者，豈無仁義之心哉，其所以放其良心者，亦猶斧斤之於木也。」

⑦五性，仁義

禮智信也。

⑧孟子：「惻隱之心，仁之端也，羞惡之心，義之端也，辭讓之心，禮之端也，是非之心，智之

端也。」

⑨孟子：「仁之實，事親是也，義之實，從兄是也。」

⑩孟子：「人能充無欲害人之心，而仁

不可勝用也，人能充無穿窬之心，而義不可勝用也。」穿，穿穴，窬，踰牆，皆盜竊之事。

⑪拯救也。

嗚呼，周公之治教備矣，然非因唐虞夏殷之禮俗，層累而精之，不能用也，而孟子之言，則更亂世，承汚俗，①旋舉而立有效焉。有宋諸儒之興，所以治其心性

者，信微且密矣，然非士君子莫能喻也。而孟子之言，則雖婦人小子，一旦反之於心，而可信爲誠然。然則自事其心，與治天下國家者，一以孟子之言爲始事可也。

①汚俗^{△△}，美俗之反，書畢命：『舊染汚俗。』 ②喻曉也。

讀周官

嗚呼，世儒之疑周官爲僞者，豈不甚蔽矣哉！中庸所謂盡人物之性，以贊天地之化育者，於是書具之矣，蓋惟公達於人事之始終，故所以教之養之，任之治之之道，無不盡也；惟公明於萬物之分數，故所以生之取之聚之散之之道，無不盡也；運天下猶一身，視四海如奧陴，非聖人而能爲此乎！然自漢何休、宋歐陽修、胡宏皆疑爲僞作，蓋休耳熟於新莽之亂，而修與宏近見夫熙寧之弊，故疑是書晚出，本非聖人之法，而不足以經世也。莽之事不足論矣，熙

寧君臣④所附會以爲新法者，察其本謀，蓋用爲富強之術，以視公之依乎天理，以盡人物之性者，其根源較然⑤異矣。就其善者，莫如保甲⑥之法，然田不井授，民無定居，而責以相保相受，有臯奇裘相及⑦，則已利害分半而不能無拂乎人情矣。修與宏不能明辨安石所行，本非周官之法，而乃疑是書爲僞，是猶懲覆顛而廢輿馬也。是書之出，千七百年矣，假而戰國秦漢之人能僞作，則冬官⑧之缺，後之文儒，有能補之者乎？不惟一官之全，小司馬之缺，有能依倣四官之意以補之者乎？其所以不能補者，何也？則事之理有未達，而物之分有未明也。

①周官書名，亦稱周禮，漢志載周官經六篇傳四篇，故改題本號，以其書皆六官程式，非記禮之文也。
②周官書名，亦稱周禮，漢志載周官經六篇傳四篇，故改題本號，以其書皆六官程式，非記禮之文也。
③蔽掩也，不明也。
④中庸禮記篇名，後改列四書之一，子思所作。
⑤化育

謂天地之生成萬物也。
⑥室西南隅曰奧，主階曰阼。
⑦何休東漢任城樊人，字邵公，著有春秋公

羊解詁。歐陽修宋廬陵人，字永叔，著有新唐書及新五代史。胡宏亦宋人，字仁仲，傳父安國之學，著有

知言及皇王大紀。⑧王莽封新都侯，後篡漢，國號曰新。其居攝踐阼，自託周公，制度多倣古，不度時

宜。^⑧熙寧宋神宗年號。神宗用王安石，行新法，傳會周官，天下因之騷亂。^⑨周禮一書，上自河間獻王，於諸經之中，其出最晚。^⑩君謂神宗。臣謂王安石等。^⑪較然明著貌。^⑫王安石倡保甲法，十家爲保，有保長，五十家爲大保，有大保長，十大保爲都保，都保有正副，其制猶今之民團。^⑬田不井授言非古授田之區畫也。周制，地方一里，畫爲九區，每區百畝，中爲公田，其外八家，各受一區爲私田，形如井字，故稱井田。^⑭皋古文罪字。表音斜（ム一廿）通作邪。奇表不正也。考宋保甲同保犯強盜殺人，強姦掠人，傳習妖教，造蓄蠱毒，知而不告者，依律互保法治罪，此仿古連坐法，所謂奇表相及也。^⑮冬官周制六官，以司空爲冬官，自秦火後，原闕此篇，漢代求之不得，以考工記補之，然冬官所掌，實不止此也。^⑯小司馬周置爲司馬之貳，周官：「夏官司馬，小司馬之職掌。」鄭氏注：「此下字脫滅，札爛文闕。」

嗚呼！三王政治之迹，其規模可見者獨有是書，世變雖殊，其經綸○天下之大體，卒不可易也。若修與宏者，皆世所稱顯學之儒，而智不足以及此，尙安望爲治者篤信而見諸行事哉！必此之疑，則惟安於苟道而已，此余所以尤痛疾乎後

儒之浮說也。

①經綸治絲之事，引其緒而分之爲經，比其類而合之爲綸，因以爲凡規畫政事之稱。

灌嬰論①

漢之再世，②諸呂作難，③定天下安劉氏者，嬰也，而議者推功於平勃，④誤矣。平爲丞相，聽邪謀，以南北軍屬產祿，⑤使勃有將之名而無其實久矣，一旦變起倉卒，而勃不得入於軍，則平已智盡而能索矣。鄉使給說不行，⑥矯節而謀洩，⑦平勃有相牽而就縛耳，如產祿何！前古用此以敗國殄⑧身者衆矣，平勃之事，⑨而集，則嬰爲之權藉⑩也。呂氏雖三王，⑪懸國千里外，無一夫之援，而諸侯合從西鄉，⑫空國兵以授嬰，當是時，呂氏所恃者嬰耳，而嬰頓兵滎陽，與諸侯連和，以待其變，⑬是猶孤豚局於圈檻，⑭而虎扼其外也。呂氏心孤，故鄙寄⑮之謀得入，而公卿吏士，曉然知產祿之將傾，同心以踣⑯之，故矯節閉殿，⑰莫敢齟齬，

④以生得失，譬之於射，勃矢而嬰弦機也。鄉使呂祿自出以當齊楚，而產兼將南
北軍以自定，或不足以倡亂，賊諸大臣有餘力矣。⑤呂氏本謀，欲待嬰與齊合兵
而後發，故雖聽酈寄之言，尚猶豫。⑥未有所決也，及賈壽自齊來，知嬰謀，然後以
印屬典客。⑦蓋自知無以待嬰，而欲改圖以緩死，故得因其瑕釁。⑧而乘之。由是
觀之，定天下安劉氏者，嬰也審矣，其推功於平勃誤也。

○漢嬰漢睢陽人，從高祖定天下，封穎陰侯，與陳平周勃共誅諸呂，立文帝，以功進太尉，尋爲丞相。

○高祖傳至惠帝而呂氏之難作，故曰再世。

③呂后信任呂產呂祿等，呂氏遂謀亡劉。

④平勃卽

陳平周勃也。

⑤陳平用張敖彊計，請拜呂台呂產呂祿爲將，居南北軍，諸呂權由此起。漢衛宮之兵

謂之南軍，京城之兵謂之北軍。

⑥給，音待（力乃），欺詐也。高后崩，諸呂欲爲亂，時太尉勃不得主

兵，酈商子寄與祿善，平勃使人劫商，令寄說祿歸將印，以兵屬太尉。

⑦矯，詐也。節符節，古使臣執以

示信之物。勃欲入北軍，不得，紀通尙符節，乃令持節矯納勃於北軍，勃始得兵討平呂氏。⑧殄，音電

（去一乃），盡也，絕滅之意。

⑨齊，古幸字。

⑩國策：「夫權藉者，萬物之率也。」權卽稱錘，藉猶等

盤，皆稱物所必需者。④三王謂呂產爲梁王，呂祿爲趙王，呂台子通爲燕王也；時台已死矣。⑤齊

王襄連合諸侯發兵西討諸呂。⑥滎陽即今河南滎陽縣。產祿聞有諸侯兵，使嬰擊之，嬰至滎陽，乃

與諸侯連和，屯兵不動。⑦局拘也。圈檻畜獸之關也。⑧酈音歷（力一）。⑨酈音割（久又），

斃也。⑩閉殿，勃令曹窋告衛尉，毋入產殿門，產欲入宮爲亂，至殿門，弗得入。⑪齟齬齒不正而參

差出入也，以稱意見不相合者。⑫賊害也。言倡亂或不足，害在朝諸臣則有餘。⑬猶與豫本二獸

名，性皆多疑，故喻人之臨事不決者曰猶豫。呂祿聞酈寄歸將印之言，欲從之而未決。⑭賈誼從齊

來，具言灌嬰與諸侯合從事，趣產急入宮，勃乃矯節入北軍，祿即聽酈寄解將印屬典客劉揭，以兵授

勃，勃始得將北軍。典客秦官名，掌諸侯及歸命蠻夷，漢後更名大鴻臚。⑮瓊瑩間隙也。

抑吾有感焉，三代以下，漢治爲近古，其大臣謀國，若家人然，嬰之功雖掩於

平勃，受封猶次之，至平陽侯留，屢發產謀以關平勃，⑯折其機牙，⑰功不在嬰下，

及事平，以不與誅諸呂奪官，⑱而無一言以自列，嗚呼，何其厚與韓富賢人也，其

相宋也，以不共撤簾⑲之謀生怨，豈人心之變，隨世以降，而終不可返於古邪？抑

上所以導之者異邪？此有國家者所宜長慮也。

○平陽今山東鄒縣治。密曹參子，音緇（出又已）。關白其事也。賈壽之言，詣告平勃，產將入宮，密又依勃命，告衛尉毋入，產不得入宮，在宮外徘徊，密又馳告勃，勃乃使朱虛率兵入宮，見產擊殺之，然機勃等始公言誅諸呂。○機牙言如機括弩牙之發動。○密時爲御史大夫，文帝立而免。○韓富韓琦富弼也，皆宋名臣。宋英宗疾，太后臨朝，後帝疾瘳，韓琦欲太后還政，因白后求去，后曰：『相公不可去，我當居深宮耳。』遂起，琦卽命撤簾——女主臨朝必垂簾——時富弼爲樞密使，以此大事而琦不與共謀，意不懌，乃以足疾力求解政。

于忠肅論①

孔子曰：『可與立，未可與權。』易之道，正或有過，而中則無之。中非權不得，而遭事之變則尤難。明景泰中，于忠肅公不爭易儲，○爲之解者曰：『公陰爭之而不敢暴也。』或曰：『景泰有定國之功，有天下者，宜其子孫。』是皆未得公

之心也。宋太宗挾傳子之私，而光美德昭不得良死。④季桓子⑤有疾，命正常⑥曰：『南孺子⑦之子，男也，則以告而立之，女也，則肥⑧也可。』桓子卒，康子卽位，既葬，康子在朝，南氏生男，正常載以如朝，曰：『夫子有遺言，南氏生男，則以告於君大夫而立之。』康子請退，⑨公使共劉視之，⑩則或殺之矣。方景泰帝決志易儲，爭者雖盈廷，不足忌，而公則其身之所由以立也，勳在社稷，中外之人心繫焉，公有言，則心孤而慮變矣，帝之度量，未必遠過宋太宗，而威權則十百於康子，是乃公之所心悸也；南城高樹⑪之伐，殆哉岌岌⑫乎，而敢輕試哉！

①于忠肅名謙，字廷益，明土木之變，賴森以英宗北去，議立景帝，定策固守，及英宗回國復辟，被害。
②萬曆時，謚忠肅。③景泰明景帝年號。景泰三年，廢皇太子，見深，立子見濟爲皇太子，見深英宗子，見

濟景帝子。④暴音僕（父又）顯示也。⑤宋太祖得天下，杜太后遺命立長君，使太祖傳弟光義，

光義傳弟光美，光美傳太祖子德昭，太祖崩，光義立，是爲太宗，而光美德昭皆被逼死，太宗崩而子真

宗恆立。⑥李桓子，魯桓公之後，名斯，爲魯權臣。⑦正常桓子家臣。⑧南孺子，季桓子妻。⑨肥

桓子，即康子。

④退，避位也。

⑤公，魯哀公。共劉，魯大夫。視視，所生男也。

⑥英宗既歸，尊爲上皇。

居南宮，給事中徐正言上，皇不宜居南宮，御史高平亦言城南高樹事巨測，遂盡伐之，時盛暑，上皇常倚樹憩息，及樹伐，得其故，大懼。

⑦岌，音級（ㄐㄧˊ）；岌岌危也。

魯昭公之出也，①叔孫婁自祈死，而不誅其司馬驪戾，②先儒病焉，不知婁之心亦猶是也；春秋時強家脅權，③而相滅者，無國無之，季氏之惡稔矣，其不動於惡，以國制於已，而昭公在外爲不足忌耳，若婁誅驪戾，則季氏之慮變矣，非獨叔孫氏之憂，吾恐閭人犖卜齮之賊復興，④而公衍公爲⑤不得復安於魯也。爲叔孫計，必力能誅季氏，定昭公而後可加刃於驪戾，故不得已而以死自明，此叔孫之明於權也。吾因正常而得于公之義，又因于公而得叔孫婁之心，故並論之，使遭變而處中者，有以權焉。

①魯昭公名稠，即位二十五年，攻季氏不克，遜於齊。

②叔孫婁亦桓公之後，握有國權者。昭公被逐，

婁恥不能救，因祈禱而死。驪戾，叔孫氏家臣，率衆救季氏，而逐公徒者。

③脅權以威力迫人也。

④

積久曰稔。⑤國人養馬者，魯莊公薨，其弟慶父使嬖賊公子般，冀以自立。子般死，閔公立，慶父仍不得位，因又使嬖賊閔公。此言恐昭公雖在外，亦難保其生命也。⑥公衍公爲皆昭公子。

轅馬說○

余行塞上，乘任載之車，①見馬之負轅者而感焉。古之車，獨轡加衡，而服兩馬；②今則一馬夾轅而駕，領局於軛，③背承乎鞵，④斬前而絆後，⑤其登陴⑥也，氣盡喘汗，而後能引其輪之卻也；其下陴也，股蹙蹄攢，⑦而後能抗其轅之伏也；鞭策以勸其登，⑧極棘⑨以起其陷，乘危而顛，折筋絕骨，無所避之，而衆馬之前導而旁驅者不與焉；其渴飲於溪，脫駕而就槽櫪，⑩則常在衆馬之後；噫！馬之任孰有艱於此者乎？

○轅，駕車之木，左右各一，外出向前者。①任載之車，別於乘車而言。②轡，車轅也，大車謂之轅，兵

車田車乘車謂之轡，衡轅端橫木，服駕也，駕車之馬，在中央夾轅者爲服。④軛，車衡兩端作缺月形，